

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA KUMI NA TISA

30 APRILI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA KUMI NA TISA – TAREHE 30 APRILI, 2018

I. DUA:

II. HATI ZA KUWASILISHA MEZANI:

WAZIRI WA ELIMU, SAYANSI NA TEKNOLOJIA:

Hotuba ya Makadirio ya Mapato na Matumizi ya Wizara ya Elimu, Sayansi na Teknolojia kwa Mwaka wa Fedha 2018/2019.

MWENYEKITI WA KAMATI YA KUDUMU YA BUNGE YA HUDUMA NA MAENDELEO YA JAMII:

Taarifa ya Kamati ya Kudumu ya Bunge ya Huduma na Maendeleo ya Jamii kuhusu Utekelezaji wa Majukumu ya Wizara ya Elimu, Sayansi na Teknolojia kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

154. MHESHIMIWA SEIF KHAMIS GULAMALI (MANONGA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Igunga ilipata ufadhili wa Benki ya Dunia wa ujenzi wa Vituo vya Afya vya Simbo, Ziba, Choma cha Nkola na Igurubi ambapo Kituo cha Afya cha Ziba, Choma cha Nkola na Igurubi vimekamilika na vifaa tayari vipo japo majengo na vifaa katika Kituo cha Afya cha Choma cha Nkola na Igurubi bado havijaanza kufanya kazi; Kituo cha Afya cha Simbo bado hakijakamilika na vifaa havipo na Wafadhili walishakabidhi Halmashauri bila kukamilisha ujenzi huo:-

Je, Serikali inachukua hatua gani kujua nini kilichojificha juu ya mradi huo kukabidhiwa bila kukamilika.

155. MHESHIMIWA FLATEI GREGORY MASSAY (MBULU VIJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wakati wa kampeni za Uchaguzi Mkuu Mhe. Rais aliahidi ujenzi wa

barabara ya lami yenye urefu wa kilomita 5 katika Mji wa Hydrom na Dongobeshi, kilomita 2.5 kila Mji:-

Je, ni lini barabara hizo zitajengwa.


156. MHESHIMIWA JANETH ZEBEDAYO MBENE (ILEJE):

Atamuuliza Mheshimiwa Waziri wa Nchi, Ofisi ya Rais (TAMISEMI):-

(a) Je, Serikali ina mkakati gani kuhakikisha vifaa muhimu vya kuhudumia Watoto Njiti vinapatikana kwenye Vituo vya Afya na Hospitali za Wilaya;

(b) Je, Wilaya ya Ileje itapelekewa lini vifaa hivyo;

(c) Je, Serikali haioni ni muda muafaka wa kuwaongezea muda wa likizo ya uzazi Wazazi wa Watoto Njiti kuwa miezi sita pamoja na malipo.



WIZARA YA UJENZI, UCHUKUZI NA MAWASILIANO:

157. MHESHIMIWA ELIBARIKI EMANUEL KINGU (SINGIDA MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Singida – Sepuka – Ndago hadi Kizaga Iramba ni muhimu kwa uchumi wa Singida hasa katika kusafirisha mazao na mafuta ya alizeti; lakini pia ni barabara

mbadala inapotokea uharibifu wa barabara kuu ya Mwanza. Aidha, barabara hiyo ipo katika Ilani ya Uchaguzi wa CCM na pia Mhe. Rais alitoa ahadi ya ujenzi wa barabara hiyo wakati wa kampeni:-

Je, ni lini Serikali itaanza ujenzi wa barabara hiyo.

**158. MHESHIMIWA SELEMANI SAID BUNGARA
(KILWA KUSINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali imeweka alama ya 'X' za kijani kwenye nyumba na maeneo ya Wananchi ikimaanisha kuwa wanatakiwa kuondoka na hawana ruhusa ya kuendeleza maeneo yao au nyumba zao; hadi leo hii Wananchi hao hawajalipwa fidia na wengine nyumba zao zinabomoka:-

- (a) Je, ni lini Wananchi hao watalipwa fidia;
- (b) Kwa kuwa nyumba zao zinabomoka na hawawezi kuhama bila kulipwa fidia. Je, Serikali inawaambia nini Wananchi hao;
- (c) Kwa kuwa uwepo wao katika maeneo hayo ulikuwa Kisheria, Je, Serikali ina mpango gani wa kuwapatia Viwanja mbadala Wananchi hao kwa ajili ya makazi mapya.

159. MHESHIMIWA DKT. PUDENCIANA WILFRED KIKWEMBE (KAVUU):

Atamuuliza Mheshimiwa Waziri wa Ujenzi, Uchukuzi na Mawasiliano:- Daraja la Kavuu limekwishakamilika:-

Je, ni lini daraja hilo na barabara ya kutoka Majimoto-Inyonga vitaanza kutumika.

WIZARA YA AFYA, MAENDELEO YA JAMII, JINSIA, WAZEE NA WATOTO:

160. MHESHIMIWA TASKA RESTITUTA MBOGO (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wilaya ya Mpanda Mkoani Katavi ina Chuo cha Afya tangu mwaka 1975 na baadae Chuo hicho kilifungwa kwa sababu ya uchakavu wa majengo. Miaka ya hivi karibuni Chuo hicho kilianza kukarabatiwa ili kiweze kutoa mafunzo kwa Maafisa Afya:-

Je, lini Chuo hicho cha Afya kitaanza kufanya kazi.

WIZARA YA NISHATI:

**161. MHESHIMIWA JOSEPH LEONARD HAULE
(MIKUMI):**

Atamuuliza Mheshimiwa Waziri wa Nishati:-

Je, ni lini Serikali itapeleka umeme katika Jimbo la Mikumi hasa katika Kata ya Ulaya, Zombo, Tindiga, Mhenda, Kilangali, Vidunda n.k.

IV. HOJA ZA SERIKALI:

WAZIRI WA ELIMU, SAYANSI NA TEKNOLOJIA:

Kwamba, Bunge sasa likubali kupitisha Makadirio ya Mapato na Matumizi ya Wizara ya Elimu, Sayansi na Teknolojia kwa Mwaka wa Fedha 2018/2019.

**DODOMA
30 APRILI, 2018**

**S. KAGAIGAI
KATIBU WA BUNGE**